



Na osnovu člana 61. stav 2. i člana 99. stav 5. Zakona o upravi („Službeni glasnik BiH“, br. 32/02, 102/09 i 72/17), člana 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12 i 93/17), i na osnovu člana 2. Odluke o postupanju institucija Bosne i Hercegovine u cilju osiguranja zaštite života i zdravlja zaposlenih zbog opasnosti od moguće pojave epidemije zarazne bolesti prouzrokovane korona virusom (COVID-19), („Službeni glasnik BiH“, broj 18/20), Agencija za državnu službu Bosne i Hercegovine, donosi

INSTRUKCIJU
o izmjenama i dopunama Instrukcije o mjerama za zaštitu zdravlja zaposlenih i drugim
mjerama koje se mogu preduzimati u uslovima vanrednog stanja
u Agenciji za državnu službu Bosne i Hercegovine

Član 1.

U članu 4. Instrukcije o mjerama za zaštitu zdravlja zaposlenih i drugim mjerama koje se mogu preduzimati u uslovima vanrednog stanja u Agenciji za državnu službu Bosne i Hercegovine, broj 01-02-2-293-5/20 od 23.3.2020. godine, riječi: „je obavezujuća i za“ zamjenjuju se riječima: „se primjenjuje i na“.

Član 2.

U članu 6. stav (1) u drugom redu iza riječi: „vrijeme“ dodaju se riječi: „dok su na snazi sve mjere ograničenja uvedene od strane nadležnih entitetskih organa, radi“.

Iza stava (2) dodaje se novi stav (3) koji glasi:

„(3) O otpočinjanju novih oglašavanja odlučit će se kada počne ublažavanje svih mjera ograničenja uvedenih od strane nadležnih entitetskih organa.“.

Član 3.

U članu 7. stav (1) u prvom redu iza riječi: „stanja,“ dodaju se riječi: „dok su na snazi sve mjere ograničenja uvedene od strane nadležnih entitetskih organa,“.

Član 4.

U članu 15. stav (1) na početku dodaje broj „(1)“.

Iza stava (1) dodaje se novi stav (2) koji glasi:

„(2) O odlukama i mjerama ograničenja uvedenim od strane nadležnih entitetskih organa posebno će se voditi računa kada se mjere propisane ovom instrukcijom počnu ublažavati ili ukidati.“.

Član 5.

U članu 17. iza stava (2) dodaje se novi stav (3) koji glasi:

„(3) Krizni štab odlučuje i o ublažavanju mjera propisanih ovom instrukcijom uz uvažavanje svih mjera ograničenja uvedenih od strane nadležnih entitetskih organa, a posebno njihovog ublažavanja.“.

Član 6.

Ova instrukcija stupa na snagu danom donošenja, sa istom će se upoznati svi zaposleni u Agenciji, a objavit će se na oglasnoj tabli i službenoj internet stranici Agencije.

Broj: 01-02-2-293-6/20
11. maja 2020. godine
Sarajevo



DIREKTOR

Neven Akšamija
Neven Akšamija